

KinyaRwanda - Asezeranijwe Ibyanditswe - Promises Scriptures

Intangiro 20:6 Imana imusubiriza mu nzozi iti “Koko nzi yuko ukoze ibyo ufite umutima ukiranutse, kandi nanje nakubujije kuncumuraho, ni cyo cyatumye ntagukundira kumukoraho.

Iyimukamisiri 35:21,26 Wende ku maraso yo ku gicaniro no ku mavuta yo gusiga, ubimishe kuri Aroni no ku myambaro ye, no ku bana be na bo no ku myambaro yabo, yezanywe n'imyambaro ye n'abana be n'imyambaro yabo.
26 “Kandi wende inkoro ya ya sekurume y'intama yereje Aroni umurimo, uyizunguze ibe ituro rijungurijwe imbere y'Uwiteka, izabe umwanya wawe.

Ibarura 10:35 Uko iyo sanduku yahagurukaga Mose yaravugaga ati “Uwiteka haguruka ababisha bawe batatane, abanzi bawe baguhunge.”

Ivugururamategeko 2:25 Uyu munsi ndatangira guteza uwomba amahanga yose yo munsi y'ijuru ngo agutinye. Bazumva inkuru yawe bahinde imishyitsi, ubatere kubabara cyane.”

Ivugururamategeko 9:3 Nuko muri iki gihe, menya yuko Uwiteka Imana yawe ubwayo izambuka ikugiye imbere ari umuriro ukongora ikabarimbura, ikabatsinda imbere yawe. Nawe uzabirukane ubarimbure vuba, uko Uwiteka Imana yawe yagutegetse.

Yozuwe 2:9 arababwira ati “Nzi yuko Uwiteka abahaye igihugu kandi mwaduteye uwomba, ndetse abari mu gihugu bose mwabakuye umutima,

1 Icyu Mbere Cya Samweli 17:48,50 Nuko Umufilisitiya ava aho yari ari, aza guhura na Dawidi. Dawidi ahuta yiruka yerekeye ingabo zabo ngo ahure n'Umufilisitiya. 50 Uko ni ko Dawidi yahanguje Umufilisitiya ibuye ry'umu-humetso, aramunesha aramwica kandi nta nkota Dawidi yari yitwaje.

Esitera 8:17 Nuko mu gihugu cyose no mu mudugudu wose aho itegeko n'iteka by'umwami byageraga, Abayuda baranezerwaga bakshima, bakagira ibirori n'umunsi mukuru. Maze abantu benshi bo mu mahanga yo mu gihugubihindura Abayuda, kuko Abayuda bari babateye uwomba.

Yobu 29:14 Nambaraga gukiranuka kukanyambika, Kutabera kwanje kwari kumeze nk'umwitero n'ikamba.

Imigani 13:11,22 Ubutunzi bw'amahugu buzagabanuka, Arikio urundarunda ibintu avunika azunguka. 22 Umuntu mwiza asiga umwandu uzagera ku buzukuru be, Kandi ubutunzi bw'abanyabyaha bubikiwe abakiranutsi.

Imigani 22:22,23 Ntukanyage umukene kuko ari umukene, Kandi ntukarenganye indushyi mu manza, 23 Kuko Uwiteka azababuranira, Kandi ababarenganya azabanyaga ubugingo bwabo.

Ezayi 35:8 Kandi hazabayozinzira nyabagendwa, iyo nzira izitwa inzira yo kwera. Abanduye imitima ntibazayicamo, ahubwo izaba iya ba bandi. Abagenzi naho baba ari abaswa ntibazayiyoba.

Ezayi 43:2 Nimunyura mu mazi nzaba ndi kumwe namwe, nimunyura mu nzüzi

ntimuzarohama, nimuca mu muriro ntimuzashya, ibirimu by'umuriro ntibizabatwika.

Ezayi 49:25 Ariko Uwiteka aravuga ati “Abajyanwa ari imbohe n'abakomeye na bo bazakurwayo, kandi iminyago y'abanyamwaga izarekurwa, kuko ari jye uzakurwanira n'ukurwanya kandi nzakiza abana bawe.

Ezayi 54:17 Ariko nta ntwaro bacuriye kukurwanya izagira icyo igutwara, kandi ururimi rwose ruzaguhagurukira kukuburanya uzarutsinda. Ibyo ni byo murage w'abagaragu b'Uwiteka, kandi uko ni ko gukiranuka kwabo guturuka aho ndi.” Ni ko Uwiteka avuga.

Ezayi 59:17,19 Yambara gukiranuka nk'icyuma gikingira igituza, yambara agakiza kaba ingofero, yambara n'imyenda yo guhōra ayigira imyambaro, yambikwa umwete nk'umwitero. 19 Ni bwo bazubaha izina ry'Uwiteka uhoreye iburengerazuba, bakubaha icyubahiro cye uhoreye aho izuba rirasira, kuko azaza nk'umugezi uhurura ujyanwa n'Umwuka w'Uwiteka.

Ezayi 61:10 Nzajya nishimira Uwiteka cyane, umutima wanje uzajya unezererwa Imana yanje kuko yanyabitse imyambaro y'agakiza, akamfubika umwitero wo gukiranuka, nk'uko umukwe arimba akambara ikamba, kandi nk'uko umugenri arimbishwa iby'umurimbo bye.

Ezekiyeli 22:30 Kandi nashatse umuntu muri bo wasana inkike, ngo ahagarare imbere yanje mu cyuho ahagarariye igihugu kugira ngo ntakirimbura, ariko ntawe nabonye.

Ezekiyeli 45:8 Hazamubera umugabane w'umwandu muri Isirayeli, kandi abami banje ntabwo bazongera kurenganya ubwoko banje, ahubwo bazagabanya ab'inzu ya Isirayeli igihugu nk'uko imiryango yabo iri.

Daniyeli 4:16 Nuko Daniyeli wahimbwe Beluteshazari amara akanya yumiwe, ahagarikwa umutima n'ibyo atekereje. Umwami arongera aramubwira ati “Yewe Beluteshazari, izo nzozi no gusobanurwa kwazo bye kuguagarika umutima.” Beluteshazari aramusubiza ati “Nyagasani, izo nzozi zirakaba ku banzi bawe, kandi gusobanurwa kwazo kurakaba ku babisha bawe.

Daniyeli 7:4 Iya mbere yasaga n'intare, ifite amababa nk'ay'ikizu. Nyihanga amaso kugeza aho amababa yayo ashikurijwe igahagarikwa ku isi, ihagarika amaguru yemye nk'umuntu kandi ihabwa umutima nk'uw'umuntu.

Zakariya 4:6 Aransubiza ati “Ijambo Uwiteka atumye kuri Zerubabeli ngiri ati ‘Si ku bw'amaboko kandi si ku bw'imbaraga, ahubwo ni ku bw'Umwuka wanje.’ Ni ko Uwiteka Nyiringabo avuga.

Matayo 24:22 Iyo minsi iyaba itagabanijweho ntihajyaga kuzarokoka n'umwe, ariko ku bw'intore iyo minsi izagabanywaho.

Matayo 26:41 Mube maso, musenge mutajya mu moshya. Umutima ni wo ukunze, ariko umubiri ufite intenge nke.”

Mariko 10:48-52 Abantu benshi baramucyaha ngo ahore ariko arushaho gutaka ati “Mwene Dawidi, mbabarira.” 49 Yesu arahagarara arababwira ati “Nimumuhamagare.” Bahamagara impumyi barayibwira bat “Humura,

haguruka araguhamagara.” 50 Na yo ita umwenda wayo, irabaduka yegera Yesu. 51 Yesu arayibaza ati “Urashaka ko nkugirira nte?” Iyo mpumyi iramusubiza iti “Mwigisha, ndashaka guhumuka.” 52 Yesu arayibwira ati “Igendere, kwizera kwawe kuragukijije.” Uwo mwanya arahumuka amukurikira mu nzira. (Matayo 20:30-34)

Mariko 16:20 Abo barasohoka bigisha hose, Umwami Yesu ari kumwe na bo abafasha, akomeressa ijambu rye ibimenyetso byagendanaga na ryo.

Luka 14:23 Shebuja abwira umugaragu we ati ‘Sohoka ugende mu nzira nyabagendwa no mu mihōra, ubahāte kwinjira kugira ngo urugo rwanjye rwuzure.

Luka 21:15,36 kuko nzabaha ururimi n'ubwenge, ibyo abanzi banyu bose batazabasha kuvuguruza cyangwa gutsinda. 36 Nuko rero mujye muba maso, musenge iminsi yose kugira ngo mubone kurokoka ibyo byose byenda kubaho, no guhagarara imbere y'Umwana w'umuntu.”

Yohani 17:15 Sinsaba ko ubakura mu isi, ahubwo ubarinde Umubi.

Ibyakozwe 11:23 Asohoyeyo kandi abonye ubuntu bw'Imana aranezerwa, abahugura bose ati “Mugume mu Mwami Yesu mumaramaje mu mitima yanyu.”

Ibyakozwe 13:48 Abanyamahanga babyumvise batyo barishima bahimbaza ijambu ry'Imana, abari batoranirijwe ubugingo buhoraho bose barizera.

1 Abanyakorinti, iya 10:13 Nta kigeragezo kibasha kubageraho kitari urusange mu bantu, kandi Imana ni iyo kwizerwa kuko itazabakundira kugeragezwa ibiruta ibyo mushobora, ahubwo hamwe n'ikibagerageza izabacira akanzu, kugira ngo mubone uko mubasha kucyihanganira.

1 Abanyakorinti, iya 16:9 kuko nugururiwe irembo rinini rijya mu mirimo ikomeye kandi abandwanya bakaba benshi.

2 Abanyakorinti, iya 12:9 Arikò arampakanira ati “Ubuntu bwanjye buraguhagi, kuko aho intege nke ziri ari ho imbaraga zanje zuzura.” Nuko nzanezerwa cyane kwirata intege nke zanje, ngo imbaraga za Kristo zinzezo.

Abanyaefezi 6:11 Mwambare intwaro zose z'Imana, kugira ngo mubashe guhagarara mudatsinzwe n'uburiganya bwa Satani.

Abehebureyi 1:7,14 Iby'abamarayika yarabivuze iti “Ihindura abamarayika bayo imiyaga, N'abagaragu bayo ibahindura ibirimbi by'umuriro.” 14 Mbese abamarayika bose si imyuka iyikorera, itumwa gukora umurimo wo gufasha abazaragwa agakiza?

Yakobo 4:7 Nuko rero mugandukire Imana ariko murwanye Satani, na we azabahunga.

1 Petero, iya 5:10 Kandi Imana igira ubuntu bwose yabahamagariye ubwiza bwayo buhoraho buri muri Kristo, izabatunganya rwose ubwayo ibakomeze, ibongerere imbaraga nimumara kubabazwa akanya gato.